

# **RAMAZAAN CAMP- 2015**

**SUBJECT- AHKAAM, AQLAQIYAAT AOUR AQAED**

**ADDRESS - HOUZATUL MEHDI AL ILMIYA,  
MIRAALAM MANDI HYD.**

**NOTES for under 15 years.**

**MIN JANIB MAREFAT-E-SAQLAIN**

---

# Contents

AQAED.....	3
AQAED LESSON NO - 1 .....	3
AQAED LESSON NO - 2 .....	3
AQAED LESSON NO - 3 .....	4
AQAED LESSON NO - 4 .....	4
AHKAAM.....	6
AHKAAM LESSON NO - 1 .....	6
AHKAAM LESSON NO - 2 .....	6
AHKAAM LESSON NO - 3 .....	7
AHKAAM LESSON NO - 4 .....	8
AHKAAM LESSON NO - 5 .....	9
AHKAAM LESSON NO - 6 .....	10
AQLAQIYAAT .....	10
AQLAQIYAAT LESSON NO-1.....	10
AQLAQIYAAT LESSON NO- 2.....	11
AQLAQIYAAT LESSON NO- 3.....	11
AQLAQIYAAT LESSON NO-4.....	12

MARJAT-E-SALATIN 2015

# IN THE NAME OF ALLAH THE BENEFICIENT THE MERCIFUL

## AQAED

### AQAED LESSON NO - 1

#### USOOL-E-DIN

HAR MUSALMAAN KE LIYE USOOL-E-DIN KO AZ ROYE BASIRAT JAANNA ZARORI HAI KIOU KI USOOL-E-DIN ME KISI TAOR PAR BHI TAQLEED NAHI KI JASAKTI YANI YE NAHI HOSAKTA KE KOI SHAKS USOOL-E-DIN ME KISI BAAT KO SIRF IS WAJHA SE MAANE KE WO UN USOOL KO JAANTA HAI.

USOOL-E-DIN 5 HAI

- 1.TAOHID:YANI ALLAH EK HAI AUR USKA KOI SHARIK NAHI HAI OR NAAHI USKA KOI BAAP HAI NA BETA AUR NAAHI USKA KOI KOFO HAI.
- 2.ADL:YANI ALLAH INSAAF KARNE WALA HAI AUR ALLAH HUME USCHIZ KI TAKLEEF NAHI DETA JISCHIZ KO HUM ANJAAM DENE PE TAQAT NAHI RAKHTE.
- 3.NABOWAT:EK MANSAB-E- ILAHI HAI JO ALLAH APNE BAGUZIDA BANDAO KO INAYAT KARTA HAI TAKE INSANAO KI HIDAYAT KARSAKE.
- 4.IMAMAT:IMAMAT BHI EK AZIM MANSAB-E-ILAHI HAI JO ALLAH APNE KHAS BANDAO KO INAYAT KARTA HAI JO DINE ILAHI KI HAFAZAT KARTE HAI AUR LOGAO KI HIDAYAT AUR RAHNOMAI KARTE HAI.
- 5.QAYAMAT:WO DIN HAI JIS DIN ALLAH TAMAM MAQLOQAAT KO UNKE AAMAAL KE HISAAB SE JAZA WA SAZA DIJAE GI.

### AQAED LESSON NO - 2

#### FORO-E-DIN

AHKAMAAT-E-ILAHI KO KEHTE HAI,(AUR AHKAAM KI 5 QISME HAI:1.WAJIB 2.MUSTAHAB 3. HARAAM 4.MAKRO 5.MOBAH)AUR AHKAMAAT ME ZARORI HAI KE INSAAN YATO KHUD MUJTAHID HO YANI AHKAAM KO DALEEL KE ZAYE HASI KARE YA KISI MUJTAHID KI TAQLEED KARE YA AZRAHE EHTIYAAT

APNA FARIZA YOUN ADA KARE KE USE YAQEEEN HO JAE KE USNE APNI SAHRAI ZIMMEDARI PORI KARDI HAI.

## AQAED LESSON NO - 3

### KHUDA KE SIFAAT

KHUDA KE SIFAAT KI 2 QISME HAI:

**1.SIFAAT-E- SOBOTIYA:**YANI JIN JIN CHIZAON KA KHUDA ME PAYAJANA ZARORI HAI AUR YE 8 HAI.

1.AALIM 2.QADIR 3.HAI 4.MUREED 5.MUDRIK 6.QADIM 7.MUTAKALLIM 8.SADIQ.

**2.SIFAAT-E-SALBIYA:**YANI JO CHIZE KHUDA ME NAHI PAI JAATI HAI AUR WO 7 HAI.1.MURAKKAB NAHI

2.JISM NAHI 3.MAREI NAHI 4.USKA KOI MAKAAAN NAHI 5.USKA KOI SHAREEK NAHI 6.MOHTAAJ NAHI

7.USKE SIFAAT ZAYED BAR ZAAAT NAHI HAI.

## AQAED LESSON NO - 4

### AIMMA (A.S) KE ASMA

KUNNIYAT	NAME	LAQAB	YEAR OF VILADAT	YEAR OF SHAHADAT
ABUL HASAN	ALI IBNE ABI TALIB	MURTUZA	23QABL-E-HIJRI	40 HIJRI
ABU MOHD	HASAN IBNE ALI	ZAKI	3 HIJRI	50 HIJRI
ABA ABDILLAH	HUSSAIN IBNE ALI	SYEDUSHSHUHADA	4 HIJRI	61 HIJRI
ABU MOHD	ALI IBNE HUSSAIN	ZAINUL ABEDEEN	38 HIJRI	95 HIJRI
ABU JAFFER	MOHD IBNE ALI	BAQIR	57 HIJRI	114 HIJRI
ABA ABDILLAH	JAFER IBNE MOHD	SADIQ	83 HIJRI	148 HIJRI
ABU IBRAHEEM	MOSA IBNE JAFER	KAZIM	128 HIJRI	183 HIJRI
ABUL HASAN	ALI IBNE MOSA	RAZA	148 HIJRI	203 HIJRI
ABU JAFFER	MOHD IBNE ALI	JAWAAD	195 HIJRI	220 HIJRI
ABUL HASAN	ALI IBNE MOHD	HAADI	212 HIJRI	254 HIJRI

ABU MOHD	HASAN IBNE ALI	ASKARI	232 HIJRI	260 HIJRI
ABUL QASIM	MOHD IBN HASAN	MEHDI	255 HIJRI	----

MARFAT-E-SAQLAIN 2015

# AHKAAM

## AHKAAM LESSON NO - 1

### \*MOJTAHED KI TAQLEED

\*HAZRAT IMAM-E-HASAN-E-ASKARI(A.S) IRSHAD FARMA TE HAI:-

“LOGON KO CHAHIYE KE FOQAHA(YANI AHKAAME SHRIYAT KO TAFSEEL SE JAAN NE WALE MOJTAHEDEN)ME SE JO SHAKS (1)APNE AAP KO GONAHON SE BACHATA HO.(2)APNE DIN KI HIFAZAT KARTA HO (YANI APNE DIN PE SAKTI SE QAYAM HO).(3)APNI NAFSANI KHAOHESHAT KA GHOLAAM NA HO OR(4)AHKAAME ILAHI KI ITAAT KARTA HO.USKI TAQLEED KAREN.US KE BAAD IMAM (A.S) NE FARMA YA:YE AOSAF MADODOE CHAND SHIA FOQAHA ME HAI,SAB ME NAHI.(AHTEJAJE TABARSI JILD NO.2 PAGE NO.263).

\*DINI AHKAMAAT KE TAQLEED KA MATLAB YE HAI KE KISI MOJTAHID KE FATWE PE AMAL KIYA JAE OR ZARORI HAI KE JIS MOJTABI KI TAQLEED KI JAE WO (1)MARD HO.(2)BALIGH HO.(3)AAQIL HO.(4)SHIA ISNA ASHARI HO.(5)HALAAL ZADA HO.(6)ZINDA HO OR(7)AADIL HO.(AADIL WO SHAKS HAI JO TAMAM WAJIB KAMON KO BAJA LAEE OR TAMAM HARAAM KAMON KO TARK KARE.AADIL HONE KI NISHANI YE HAI KE WO BAZAHIR EK ACCHA SHAKS HO OR USKE AHLE MOHALLA YA HUMSAIYON YA HUMNASHINO SE USKE BAARE DARYAAFT KIYA JAE TO USKI ACCHAI KI TASDEEQ KARE.

## AHKAAM LESSON NO - 2

### \*EHKAAM-E-TAHARAT

1)MUTLAQ AUR MUZAAF PAANI-- PAANI MUTLAQ HOTA HAI YA MUZAAF. “MUZAAF” WO PAANI HAI JO KISI CHEEZ SE HASIL KIYA JAYE MASLAN TARBUZ KA PANI,NARIYAL KA PAANI,GULAAB KA ARAQ WAGAIRA. US PAANI KU BHI MUZAAF KEHTE HAI JO KISI DOSRI CHEEZ SE ALOODA HO MASLAN GADLA PAANI JO IS HAD TAK MITHYALA HO KE PHIR USE PAANI NA KAHA JASKE. IN KE ALAWA JO PAANI HO USE AABE MUTLAQ KEHTE HAI AUR ISKI 5 QISME HAI. 1. KUR PAANI 2. QALEEL PAANI 3. JAARI PAANI 4. BAARISH KA PAANI 5. KUNNAWI PAANI.

**1.KUR PAANI:-**\*MASHUR QOUL KI BINA PAR KUR ITNA PAANI HAI JO EK AISE BARTAN KU BHARDE JISKI LAMBAI ,CHAUDHAI AUR GHAIRAI HAR EK SADE TEEN BALISH HO IS BINA PAR USKA MAJMUAA ZARB  $42 \frac{7}{8}$ BALISH HONA ZARURI HAI.LEKIN ZAHER YE HAI KE AGAR CHETEES BALISH BHI HO TOU KAAFI HA. TAHAM KUR PAANI KA WAZAN KE LEHAZ SE TATEEN KARNA ISHKAAL SE KHALI NAHI HAI.

\*AGAR KOI CHEEZE NAJIS HO MASLAN PISHAAB YA KHOON YA WO CHEEZ JO NAJIS HO GAYI HO JAISE KE

NAJIS LIBAAS AISE PAANI ME AGAR JAYE JISKI MEQDAAR EK KUR KE BRABAR HO AUR USKE NATIJE ME NAJASAT KI BO,RANG YA ZAIQA PAANI ME SARAYAT KAR JAYE TOU PAANI NAJIS HOJAYEGA LEKIN AGAR AISI KOI TABDILI WAQE NA HO TOU NAJIS NAHI HOGA.

\*AGAR AISE PAANI KI BO,RANG YA ZAIQA JISKI MAQDAR EK KUR KE BRABAR HO NAJASAT KE ALAWA KISI AUR CHEEZ SE TABDIL HO JAYE TO WO PAANI NAJIS NAHI HOGA.

**2.QALEEL PAANI:-**\*AISE PAANI KU QALEEL PAANI KEHTE HAI JO ZAMEEN SE NA UBLE AUR JISKI MEQDAR EK KUR SE KAM HO.

\*JAB QALEEL

PAANI KISI NAJIS CHEEZ PAR GIRE YA KOI NAJIS CHEEZ US PAR GIRE TO PAANI NAJIS HOJAYEGA.

ALBATTA AGAR PAANI NAJIS CHEEZ PAR ZOOR SE GIRE TOU USKA JITNA HISSA US NAJIS CHEEZ SE MILEGA NAJIS HOJYEGA LEKIN BAAQI PAAK HOGA.

\*JO QALEEL PAANI KISI CHEEZ PAR AIN NAJASAT DOOR KARNE KE LIYE DALA JAYE WO NAJASAT SE JUDA HONE KE BAAD NAJIS HOJATA HAI. AUR ISI TARHA WO QALEEL PAANIJO AIN NAJASAT KE ALAG HO JANE KE BAAD NAJIS CHEEZ KO PAAK KARNE KE LIYE US PAR DALA JAYE US SE JUDA HO JANE KE BAAD BINABAR EHTIYAAT LAAZIM MUTLEQAN NAJIS HAI.

\*JIS QALEEL PAANI SE PAISHAAB YA PAIKHANE KEMAKHARIG DOHE JAYE WO AGAR KISI CHEEZ KU LAG JAYE TOU 5 SHARAET KE SAAT USE NAJIS NAHI KAREGA. 1.PAANI ME NAJASAT KI BO, RANG YA ZAIQA PAIDA NA HUA HO. 2.BAHAR SE KOI NAJASAT USSE NA MILI HO. 3.KOI AUR NAJASAT MASLAN KHOON,PAISHAAB YA PAIKHANE KE SAAT KHAREJ NA HUI HO. 4.PAIKHANE KE ZARRE PAANI ME DIKHAYI NA DE. 5.PAISHAAB YA PAIKHANE KE MAQARIJ PAR MAMOOL SE ZIYADA NAJASAT NA LAGI HO.

#### **\*PAANI KE EHKAAM**

1)MUZAAF PAANI KISI NAJIS CHEEZ KU PAAK NAHI KARTA AISE PAANI SE WUZU AUR GUSL KARNA BHI BATIL HAI.

2)MUZAAF PAANI KI MEQDAAR AGAR CHE EK KUR KE BRABAR HO AGAR USME NAJASAT KA EK ZARRA BHI PADH JAYE TOU NAJIS HOJATA HAI ALBATTA AGAR AISA PAANI KISI NAJIS CHEEZ PAR ZOOR SE GIRE TOU USKA JITNA BHI HISSA NAJIS CHEEZ SE MUTTASIL HOGA NAJIS HOJAYEGA AUR JO MUTTASIL NAHI HOGA WO PAAK HOGA MASLAN AGAR GULAAB KE ARQ KO GULAAB DAAN SE NAJIS HAATH PER CHIDHKA JAYE TOU USKA JITNA HISSA HAAT KU LAGEGA NAJIS HOGA AUR JO NAHI LAGEGA PAAK HOGA.

### **AHKAAM LESSON NO - 3**

#### **\*BAITUL KHLA KE EHKAAM**

1) INSAAN PAR WAJIB HAI KE PISHAAB AUR PAIKHANA KARTE WAQT AUR DOSRE MOUQE PER APNI SHARGAHOU KU UNLOGOU SE JO BALIGH HO KHAO WO MAA BEHAN KI TARHA USKE MEHRAM HI KYU NA HO AUR USKI TARHA DIWAANOU AUR UN BACCHOU SE JO ACHE BURE KI TAMEEZ RAHKTE HOCHUPA KAR RAHKE LEKIN BIWI AUR SHOHRAR KE LIYE APNI SHARMGAHOU KO EK DOSRE SE CHUPANA LAZIM NAHI HAI.

2) PAISHAAB YA PAIKHANA KARTE WAQT EHTIYAATE LAZIM KI BINA PER BADAN KA AGLA HISSA YANI PEET AUR SINA QIBLE KI TARAF NA HO AUR NA HI PUSHT QIBLE KI TARAF HO.

3) AGAR PAISHAAB YA PAIKHANAKARTE WAQT KISI SHAQS KE BADAN KA AGLA HISSA RUBA QIBLA YA PUSHT BA QIBLA HO AUR WO APNI SHARMGHA KU QIBLE KI TARAF SE MOUD LE TOU YE KAAFI NAHI HAI AUR AGAR USKE BADAN KA AGLA HISSA RUBA QIBLA YA PUSHT BA QIBLA NA HO TOU EHTIYAAT YE HAI KE SHARMGA KO RUBA QIBLA YA PUSHT PA QIBLA NA MOUDE

**\*CHAAR JAGOU PER RAFE HAJAT HARAM HAI**

1) BAND GALI ME JABKE WAHA RHENE WALOU NE USKI IJAZAT NA DI RAHKI HO.

2) US ZAMEEN KE TUKDE ME JO KISI KI NIJI MILKIYAT HO JABKE USNE IS RAFE HAJAT KI IJAZAT KA DE RAHKI HO.

3) UN JAGAHOU ME JO MAQSOOS LOGOU KE LIYE WAQF HO MASLAN BAAZ MADARSE.

4) MOMINEEN KE QABAROU KE PAAS JABKE IS FAIL SE JABKE UNKI BEHURMATI HOTI HO YABI SURAT HAR EK JAGA KI HAI JABA RAFE HAJAT DEEN YA MAZHAB KE MUQADDESAAT KI TOUHEEN KA MOUJIB HO.

**AHKAAM LESSON NO - 4**

**\*NAJASAAT**

1) PAISHAAB. 2) PAIKHANA. 3) MANI. 4) MURDAAR. 5) KHOON. 6) KUTTA. 7) SUWWAR. 8) KAFIR. 9) SHARAAB. 10) NAJASAT KHOOR HAIWAAN KA PASINA.

**\*MUTTAHERAAT**

**\*12 CHEEZE AISI HAI JO NAJASAT KU PAAK KARTI HAI AUR UNHE MUTTAHERAAT KHETE HAI :**



1) PAANI. 2) ZAMEEN. 3) SURAJ. 4) ISTEHAALA. 5) INQELAAB. 6) INTEQAAL. 7) ISLAAM. 8) TABAEYAT. 9) AINE NAJASAT KA ZAYL HOJANA. 10) NAJASAT KHANE WALE HAIWAAN KA ESTABRAH. 11) MUSALMAAN KA GAYEB HO JANA. 12) ZIBHA KIYE GAYE JANWAAR KE BADAN SE KHOON KA NIKAL JANA.

### **\*WUZU**

\*WUZU ME WAJIB HAI KE CHERA AUR DONO HAATH DHOE JAE AUR AGLE HISSE AUR PAON KE SAAMNE WALE HISSE KA MASA KIYA JAE.

### **\*MOBTELAAT-E-WUZU**

\*SAATH (7) CHIZ WUZU KO BATIL KADETI HAI:-1.PESHAAB.2.PAIKHANA.3.RIHA.4.NIND JIKI WAJHE SE NA AANKH DEKH SAKE AUR NA KAN SONSKE LAIKIN AGGAR AANKH NA DEKH RAHIHO LAIKIN AGAR KAN SONRAHE HO TO WUZU BATIL NAHI HAI.5.AISI HALAT JINME AQAL ZAYEL HO JATI HO MASALAN DEEWANGI,MASTI YA BEHOSHI.6.AORATAON KA ISTEHAZA.7.JANABAT BALKE AHTIYAT E MOSTAHAB KIBINA PAR HARWO KAAM JISKE LIYE GHOS KARNA ZARORI HAI.

## **AHKAAM LESSON NO – 5**

### **\*WAJIBNAMAZE**

\***6 NAMAZE WAJIB HAI:-** 1.ROZANA KI NAMAZE. 2.NAMAZE AYAAT. 3.NAMAZE MAYYAT. 4.KHANAE KABA KE WAJIB TAWAAF KI NAMAZ. 5.BAAB KI QAZA NAMAZE JO BADE BETE PER WAJIB HAI. 6.JO NAMAZE IJARA,QASAM AUR EHAD SE WAJIB HOJATI HAI AUR NAMAZE JUMMA ROZANA NAMAZOU ME SE HAI.

### **\*NAMAZ KE WAJIBAAT**

\***WAJIBATE NAMAZ 11 HAI:-** 1. NIYYAT. 2. QAYAAM. 3. TAKBIRATUL EHRAAM. 4. RUKU. 5. SUJOOD. 6. QIRAAT. 7. ZIKR. 8. TASHAHOD. 9. SALAAM. 10. TARTEEB. 11. MAWALAAT YANI AJZAYE NAMAZ KA PAIDARPAI BAJA LANA.

\*NAMAAZ KE WAJIBAAT ME SE BAAZ USKE RUKN HAI YANI INSAN AGAR USE BAJA NALAYE TO KHAO ISA KARNA AMADAN HO YA GHALTI SE HO NAMAAZ BATIL HO JATI HAI AUR BAAZ BAJIBAAT RUKN NAHI HAI YANI AGAR WO GHALTI SE CHOOT JAE TO NAMAAZ BATIL NAHI HOTI HAI.

**\*NAMAAZ KE ARKAAN 5 HAI:-**1) NIYYAT. 2) TAKBIRATUL EHRAAM.3)ROKO SE MOTTASIL QAYAAM YANI ROKO ME JANE SE PEHLE KHADA HONA. 4) ROKO. 5) HAR RAKAAT ME DO SAJDE.

## AHKAAM LESSON NO - 6

### **\*ROZE KE AHKAAM**

\*(SHARIYAT-E-ISLAAM ME)ROZE SE MORAAD HAI KHODA WANDE AALAM KI RIZA KE LIYE INSAAN AZAAN-E-SOBH SE MAGHRIB TAK 9 CHIZAON SE JO BAAD ME BAYAAN HOGI PARHEZ KARE.

**\*WO CHIZEN JO ROZE KO BAATIL KARTI HAI:-**1.KHANA AUR PINA. 2. JIMA KARNA. 3. ISTEMNA. (YANI INSAAN ANE SAAT YA KISI DOOSRE KE SAAT JIMA KE ALAWA KOI AISA FEL KARE JISKE NATIJE ME MANI KHARIJ HO). 4. KHODA TAALA,PAIGHAMBAR-E-AKRAM AUR AIMMA-E-TAHEREEN (A.S)SE KOI GHOTI BAAT MANSOOB KARE. 5. GHOBAAR HALQ TAK PAOHCHANA. 6. MASHHOOR QAOL KI BINA PAR PORA SAR PANI ME DOBAANA. 7. AZAAN-E-SOBH TAK JANABAT,HAIZ AUR NIFAAS KI HALAT ME REHNA. 8. KISI SAYYAAL CHIZ SE HOQNA (INIMA) LENA. 9. QAI KARNA.

## AQLAQIYAAT

### AQLAQIYAAT LESSON NO-1

### **HUQUQ-E-WALEDAIN**

WALEDAIN BACHCHO KE LIYE FAIZ-E- ILAHI HAIN, WALEDAIN KI RIZA ME ALLAH TALA KI RIZA HAI. ALLAH NE QURAN ME APNI IBADAT KE SAT WALEDAIN PE EHSAN WAJIB QARAR DIYA, IS WAJHA SE HUM PAR LAZIM HAI KE UNKE HUQUQ KO JANE, AUR UNHE HAQ KO SAMAJH NE KI KOSHISH KAREN, KYUN KE UNKA EHTERAM US WAQT HOGA JAB HUM KO UNKE HUQUQ KI MAREFAT HOGI.

- 1.ACCHHE ANDAZ SE GUFTAGU KARNA JAISE QURAN ME IRSHAD HOWA HAI .
- 2.UNKE LIYE DUA AUR TALABE MAGFERAT KARE, JAISE KE QURANE KAREEM ME AYA HAI (
- 3.WALEDAIN KA SHUKR ADA KAREN, JAISA KE QURAN ME AYA HAI. (

IMAME JAFARE SADIQ a.s FARMATE HAI HUM TEN TARHA SE WALEDAIN KA SHUKR ADA KAR SAKTE HAIN.

1.UNKE LIYE HAR MUMKIN KAM KAREN.

2.WALEDAIN KI ITAYAT KAREN, UNKE HAR AMR BIL MAROOF AUR NAHI AZ MUNKIR ME, SIWATYE GUNAHU KE.

3.ZAHEN AUR BATENAN UNKE LIYE ACHA CHAYEN.

4.UNKA ADAB KAREN AUR UNSE KOI GILA NA KAREN.

5. WALEDAIN KE SAT NEKI AUR EHSAN KAREN.

6.WALEDAIN KE SAT NEKI KAREN UNKI HAYAT ME AUR UNKI WAFAT KE BAD.

## AQLAQIYAAT LESSON NO- 2

### FAZILATE SHIA

\*JANAB-E-JABER KAHTE HAI MAINE RASOOL-E-KHUDA SE SONA KE AAP NE KAHA BESHAK ALLAH TALANE NOOR SE MUJHE AUR ALI O FATIMA OR HASAN O HUSSAIN (A.S) AUR TAMAAM AIMMA KO KHALQ KIYA,PHIR WO NOOR PHAILA USSE HUMARE SHIA KHALQ HOE PAS HUMNE TASBIH O TAQDEES O TEHLEEL O TAMJEED KI TO HUMARE SHIAO NE BHITASBIH O TAQDEES O TEHLEEL O TAMJEED KI.

IS RIWAYAT SE YE PATA CHALTA HAI KE SHIAO KI ARWAH AUR SHIAO KI TAQLEEQ KA RAPT RASOOL-E-KHUDA AUR AIMMA-E-TAHEREEN(A.S) PAYA JATA HAI(R:BIHAR UL ANWAAR JILD NO 7 PAGE NO 355).

\*IMAM-E-JAFAR-E-SADIQ (A.S)FARMATE HAI:HUMARE SHIA HUMARA JUZ HAI AUR UNKO HUMARI BACHI HOI TEENAT SE QALQ KIYA GAYA HAI,JISSE HUM NARAAZ HOTE HAI WOBHI USSE NARAAZ HOTE HAI,JISSE HUM KHUSH HOTE HAI WOBHI USSE KHUSH HOTE HAI,PAS JO HUMSE QAREEB HONA CHAHATA HAI USE CHAHIYE KE WO HUMARE SHIAO SE QREEB HO KYUNKI WO HUMARE AUR LOGAN KE DARMIYAAN WAASTA HAI.(AMAALI-E-SHAIK TOSI JILD NO 1 SAFHA NO 305).

## AQLAQIYAAT LESSON NO- 3

### SIFAAT-E-SHIA

\*IMAM-E-JAFAR-E-SADIQ (A.S)FARMATE HAI:HUMARE SHIA MEHNATI AUR PARHEZGAAR,WADAO KO PORA KARNE WALE,AMANAT KO ADAKARNE WALE,ZAAHID AUR IBADAT GUZAAR,DIN O RAAT ME 51

RAKAAT NAMAAZ PADHNE WAALE, RAATAO ME IBADAT-E-ILAHI ME MASROOF DINAO ME ROZA RAKHNE WAALLE APNE MAAL KA KHUMS O ZAKAAT DENE WAALE HAJ KO ANJAAM DENE WAALE AUR HAR HARAAM SE BACHNE WALE HOTE HAIN.

\*IMAM-E-JAFAR-E-SADIQ(A.S) FARMATE HAI:HUMARE SHIA WO HAI JO ACCHE KAAMAO KO KARNE ME JALDI KARTE HAI,AUR BURE KAAMAO SE PARHEZ KARTE HAI,AUR ACCHAIYAO KO PHAILATE HAI,AUR AMRE ILAHI KI ITAAT ME JALDI KARTE HAI,AUR REHMAT-E-ILAHI KI TARAF RAGHIB HOTE HAI.PAS WO HUMME SE HAI AUR HUMARI TARAF AAYENGE AUR(JANNAT ME)HUMARE SAAT RAHENGE.

## AQLAQIYAAT LESSON NO-4

### ADAAB-E-MAJALIS O MAHAFIL

\*ISLAAM ME MAJLIS O MAHAFIL ME HAZIR HONE KE ADAAB BAYAAN KIYE GAYE HAIN JIN ME SE MOHIM YE HAIN:

- 1.MAJLIS O MAHAFIL ME DAKHIL HOTE WAQT SALAAM KARNA.
- 2.MAJLIS O MAHAFIL ME FARSH PE BAITHE,DIWAAR KO LAGKE NA BAITHE,JAB DAKHIL HOTO AAKHRI AADMI KE SAAT BAITHE,EK SAAT MILKE BAITHE.
- 3.DOSRAO KO JAGHA DENE ME RIAYAT KARE(AANE JAANE AUR BAITH NE ME).
- 4.WO NASHIST SE PARHEZ KARE JISME MAASIYAT HOTI HAI.
- 5.CHIMIGOEYAN KARNE SE PARHEZ KKARE.
- 6.MAJLIS O MAHAFIL ME KOI BEADABI AUR BATTAMIZI WALA KAAM NAKARE.
- 7.MAJLIS O MAHAFIL ME DUA HOTE WAQT MAJLIS KO TARK NAKARO.